


# HEIÐLÓA



Heiðlóa, sem oft er einfaldlega kölluð lóa, er farfugl sem kemur til Íslands snemma á vorin. Hún er vaðfugl og einkennisfugl þurrlendis og móa og gerir sér hreiður í móum, heiðum og grónum hraunum. Lóa étur skordýr t.d. bjöllur, áttfætlur, orma og snigla en hún étur einnig ber á haustin.

Um haustið fara lóurnar að safnast saman í hópa og búa sig undir brottför til vetrarheimkynna í Vestur-Evrópu, aðallega á Írlandi en hún fer líka til Frakklands, Spánar, Portúgals og alla leið til Marokkó sem er í Afríku!

Rúmlega helmingur af öllum lóum í heiminum verpa hér á landi, svo við berum mikla ábyrgð á stofninum, enda er lóan ein af ábyrgðartegundunum okkar hér á Íslandi.